

معلومة تاريخية

علم اسكتلندا و القديس أندراوس

✍ خدام مدرسة مار إفرام السرياني | ⌚ 5 دقيقة قراءة

إيه السر ورا ألوان علم اسكتلندا و علامة X اللي عليه؟ و إيه علاقة القديس أندراوس بالموضوع؟



⋮ علم اسكتلندا و القديس أندراوس



القديس أندراوس مش من التلاميذ أو الرسل المشهورين عندنا ... زي القديس بطرس و القديس يوحنا و مرقس الرسول و بولس الرسول لكن الحقيقة له دور مهم جداً أثناء حياته ... و حتى بعد استشهاده، هو شفيع دول كتير ... تعالوا نعرف ليه

🔗 دعوته و تلمذته

- القديس أندراوس هو أخو القديس بطرس الرسول ... كان تلميذ للقديس يوحنا المعمدان، منه سمع عن الرب يسوع ... فتبعه و عرف أنه المسيح المُنتظر

- و طبعاً قال لأخوه بطرس ... و جه ربنا يسوع يعلم في المركب بتاعة بطرس و أندراوس ... و حصلت معجزة صيد السمك
فتبع بطرس و أندراوس ربنا يسوع من ساعتها بعد ما دعاهما يكونا صيادي ناس
- و الحقيقة المرات اللي ذكر فيها القديس أندراوس في الكتاب المقدس 3 مرات بس، أشهرهم المرة اللي فيها قدم لربنا يسوع الولد اللي معاه الـ 5 خبزات و سمكتين في معجزة إشباع الجموع

✚ كرازته

القديس أندراوس بشر في أماكن كثير في أوروبا و آسيا ... منهم مكانين إحنا واثقين فيهم 100%

1. أول مكان هو [روسيا](#)

.. هو يعتبر الكارز الأول للمكان ده ... عشان كده اسم Andrei مشهور جداً في دول الاتحاد السوفيتي (زي روسيا و أوكرانيا و كرواتيا)

2. ثاني مكان هو [اليونان](#)

.. لأن ده المكان اللي هو استشهد فيه

✚ استشهاده



استشهد القديس أندراوس في مدينة بتراس من مقاطعة أخائية في اليونان
و فيه حاجتين نقدر نقولهم عن الصليب ده

1. كان على حرف X

.. لأن القديس أندراوس (زي القديس بطرس اللي صلب مُنْكَس الراس) شاف إنه مايستاهلش
يتصلب زي ربنا يسوع

2. يقال إنه كان مربوط في الصليب بالحبال مش مثبت بالمسامير ... و ده يزود الآلام و مدّتها

علم اسكتلندا

- بعد وقت من استشهاده (حوالي سنة 400م)، حصل اضطهاد ثاني ... فقديس يوناني اسمه ريجولوس كان عايز يحمي الذخائر (جسد القديس أندراوس) ... فهرب بيها على مركبة و وصلت بيه المركبة لاسكتلندا ... و من هنا بدأ شعب اسكتلندا يعرف القديس أندراوس

- بعد كده, سنة 832م كان فيه حرب بين اسكتلندا (بقيادة ملك اسمه Angus) و بين الساكسون (قبائل ألمانية)
و الملك ده اتشفع بالقديس أندراوس
- شاف في السما سحب بيضا عاملة صليب على السما الزرقا ..
اعتبر الملك ذلك علامة من ربنا, فتعهد يخلي القديس أندراوس شفيع اسكتلندا في حال ربح المعركة
- و فعلاً كسب المعركة ... و غير علم اسكتلندا عشان يكون صليب القديس أندراوس على خلفية زرقاء .. و سقوها Saltire
- و القديس أندراوس بقى شفيع اسكتلندا ... و بقى يوم 30 نوفمبر عيد قومي عندهم (St Andrew's Day)



المراجع

- موقع (St. Takla)
- مصادر اسكتلندية